



Senin, 10 Juli 2024

Ogen : Sakaria 1:7-17



Kekelengen Si Mbelin



Kekelengen Tuhan si ateNa isehkenNa man bangsa Israel, ipetangkasNa mulihi man nabi Sakaria arah sada pengenehenen. Tupung e Raja Darius merentah i Persia i bas tahun peduaken. Sakaria ngudah malaikat Tuhan ngersak kuda megara, ngadi ia iteruh batang kayu i bas sada baluren, janah arah pudina lit piga-piga kuda sideban rupana megara, mekambing, ras mbulan. Singersak kuda-kuda e igelari malaikat-malaikat. Malaikat Tuhan, nuruh kerina malekat-malaikat niar-niari doni. Kai siidahna i doni, iturikenna mulihken man Malaikat Tuhan. Siidah malaikat-malaikat e e me doni e kerina tenang ras aman. Saja, Jerusalem tetap denga lit i bas kesusahen si mesangat.

Megi laporen malaikat-malakikat e, Malaikat Tuhan si ngersak kuda megara e nehken pertototna syafaatna man Tuhan. 'enggo kurang lebih 70 tahun bangsa e lit i bas kesusahen erkiteken ukumen Tuhan, janah she asa ndigan Tuhan kam ngukum bangsaNdu?' enggo mekuah ate Malaikat Tuhan natap kegeluhen Jerusalem si bage dekahna enggo ndalani ukumen. Tapi, jabapen Tuhan, mbelinkal kekelengenku man Jerusalem, dengen katangKu si Badia e tetap lit i bas ukurKu.' Jabapen Tuhan e me berita si man pesehen Sakaria man bangsa Israel. Amin genduari banga e lit denga bas kiniseran, tapi seh pagi paksana, ras lanai ndekah maka Tuhan pagi maba ia mulih, kerina pagi kuta-kuta Jerusalem senang akapna mulihi. Isampati Tuhan pagi sekali nari Jerusalem dengen ikatakenNa maka kuta e me kuta si kelengkal ateNa.

Adi Tuhan enggo erbelas, maka siikatakenNa e pasti jadi. Labo pernah Tuhan erbual. Isi pusuhNa kal kin dem kekelengen.

Isi pusuh Tuhan tetap perlu iberitaken

